

Hominem nudum quasi manum militi injicientem etiam inter lorica mœnium, folia, duos jacentes basiantes & se amplexantes, peditem vibrato gladio & protenso clypeo, peditem cum hasta, in saxo literis transversis

III VSA
I S. V X S C.

Serpentes
faxei.
Cains-
ham.

Et caput Medusæ comis anguineis.

Percepier.

Secundum eundem Avonam (qui hic limes est inter hunc & Glocestrensem agrum) in Occidentali ripa *Cainsham* cernitur, a Keina Britannica Virgine sanctissima denominata, quam serpentes in lapides mutasse superioris ævi credulitas multis persuasit, eo quod ejusmodi ludentis naturæ miracula ibi in Latomiis nonnunquam inveniuntur. Vidimus enim lapidem hinc delatum serpentis in spiram revoluti effigie, cujus caput imperfectius in circumferentia prominuit, extrema cauda centrum occupante. Sed plerisque caput abest. Hic in vicinis agris, & etiam alibi *Percepier* herba Angliæ peculiaris, in qua amaror, & acrimonia percipitur, nunquam spithamæo adultior toto anno suapte sponte erumpit, sine caule flosculis herbaceis, quæ vehementer, & repente urinas ciet, & ex ea aqua stillantia magno usu elicitur, ut P. Pæna in suis stirpium Adversariis annotavit.

Bristow.

Vix quinto hinc milliari Avona fl. *Bristoliam* mediam intersecat, Britannis *Caer Oder Nant Badon*, id est, *Urbs Odera in valle Badonica*. Urbium antiquarum Catalogo *Caer Brito*, Saxonice *Bryghstow*, id est *Locus illustris*. Verum qui eam Ventam Belgarum dixerint, & sibi & nobis fucum fecerunt. Hæc urbs partim in Somersettenfi posita agro, partim in Glocestrensi, neutrius censenda, cum suos habeat seorsim magistratus, & *Comitatus sit per se incorporatus*. Editiori situ inter Avonam & Fromum fluviolum intersidet, munitionibus & fluminibus satis tuta: duplici enim muro quondam circumdata. Ad aspectum vero ita pulchra, tum publicis, tum privatis ædificiis, ut nomini respondeat, cloacis, *Goutes* vocant, per subterraneos meatus ita constructis ad fordes evehendas, & abluendas, ut ad munditiem & sanitatem nihil desideres, unde nullus hic curruum usus. Et ad vitæ necessitatem ita instructa, civibusque frequens, ut inter Britanniarum urbes primas à Londino & Eboraco facile sibi vendicat. Multarum enim gentium commercium mutui usus, & portus commoditas eo traxit, qui in ipsum urbis finem naves passis velis admittat. *Avona* etenim ita Oceani irruentis æstu intumescit quoties Luna à meridiano fastigio divergit, locumque oppositum prætermeat, ut naves in vado hærentes ad undecim, & duodecim ulnas extollat. Ipsique cives opulentiam per Europam exercent mercaturam, & navigationes in disjunctissimas Americæ partes instituunt. Quo autem tempore, & à quo condita fuerit non facile quis dixerit, recentior tamen videtur, cum in Danorum direptionibus nusquam apud historicos nostros de ea mentio habeatur: & certe inclinato Saxonum imperio, primum emeruisse judico, cum nusquam nominetur ante annum Salutis CIO LXIII, quo Haraldus (ut habet Florentinus Wigorniensis) è *Brytstowa* cum infesta classe in Walliam solvit. Primis Nor-

mannorum annis, *Berton* prædium adjacens, & hæc *Bristow* reddebat regi, (ut est in Censuali Angliæ Commentario) CX marcas argenti, *Burgensesque dixerunt Episcopum G. habere XXXIII marcas, & unam marcæ auri*. Deinde Robertus Constantiensis Episcopus, cum res novas in Guil. Rufum moliretur, in belli sedem elegit, urbem munit, interiori credo illo muro, qui etiamnum in parte superest. Sed paucis post annis, prolata sunt undique pomæria, ab Austro enim *Radcliff*, ubi suburbanæ erant ædiculæ, reliquæ urbi ponte saxeo utrinque ita ædibus confito, ut non pons sed platea videatur, conjungitur, mœnibusque includitur, & incolæ in civitatem ascripti sunt, hospitalis domus ubique in usum pauperum, & ecclesiæ elegantes in Dei gloriam erectæ. Inter quas longe omnium pulcherrima est S. Mariæ de *Radcliff* extra mœnia, in quam magnifice pluribus gradibus ascenditur; adeo ampla, opere adeo venusto, testudine è saxo artificiose concamerata, turri eximia altitudine, ut omnibus Parochialibus Angliæ ecclesiis, quas hæcenus vidi, meo judicio longe præcellat. In hoc fundator Guilielmus *Cannings* duos habet tumulos honorarios, alteri imago vestitu senatorio, quinque enim erat Prætor hujus civitatis; alteri ejusdem imago habitu sacerdotali imponitur, sacris enim senex initiatus erat, & Decanus Collegii, quod ipse *Vestburia* instituit. In proximo est etiam altera ecclesiæ, *Temple* vocant, cujus turris sonante campana hac illac commovetur, adeo ut se à reliquo ædificio abruperit, & ita rimam egerit à summo ad imum, ut tres digitos transversos hiet, & se arctet dilatetque cum campana pulsatur. Nec tacendum sane est templum S. Stephani, cujus turris sacra præcella magno sumptu & artificio *Shipwardus* civis & mercator avorum memoria construxit. Ab Ortum etiam & Septentrione quam plurimis etiam aucta erat ædificiis, eaque mœnibus incincta, Fromoque fl. defensa, qui cum mœnia alluerit placide in Avonam influit, & mollem præbet navibus stationem, crepidinemque mercibus exportandis & importandis idoneam, quam *the Kay* vocant. Sub qua inter Avonæ & Fromi confluentes campestris interponitur planities, quæ arboribus undique confita amœnum admodum ambulacrum civibus præbet. Ad Ortum hibernum qua flumina objecta non habet, Robertus Regis Henrici Primi filius naturalis, quem vulgo Robertum Rufum Glocestriæ Consulem vocant, quia Glocestriæ Comes erat, Castrum amplum & munitum ad urbis suæ defensionem extruxit, & pio affectu decimum quodque saxum ad sacellum extruendum prope Prioratum S. Iacobi, quem etiam sub urbem posuit, destinavit. Habuit ille in uxorem Mabiliam, filiam, & ex asse hæredem Roberti *Fitz-Hamonis*, qui hanc urbem clientelari jure à Guilielmo Normanno tenuit. Hoc quidem castrum vix constructum Stephanus Rex obsidione pressit, sed irritò conatu pedem referre coactus; paucis post annis in eodem captivus inclusus, quam incerta sit Martis alea documento fuit. Ultra Fromum fl. qui ponte consternitur ad *Frome* portam, in editiorem collem difficili clivo oblique ascenditur, unde gratissimus in subiectam urbem & portum patet prospectus. Hic in summitate statim in amplam & viridem planiti-

Guil. de
Wirces-
ter.

The mar-
she.